



## Concello de Parada de Sil

O Concello de Parada de Sil convoca a **XII edición do Concurso de Microrrelatos RIBEIRA SACRA-PARADA DE SIL**, que se rexerá conforme as seguintes

### BASES:

1. Os autores terán en conta que un microrrelato non é un conto, nin unha anécdota, nin unha ocorrencia. É un relato breve, caracterizado pola precisión no contar e no uso da linguaxe, así como por unha trama paradoxal e sorprendente.

2. Os microrrelatos serán de tema e estilo libre; poderán estar escritos en galego ou castelán e han de ser orixinais e inéditos. Cada autor só poderá participar cun microrrelato. A participación está aberta a calquera ámbito xeográfico, sen máis limitacións que a observancia das bases que regulan o certame.

3. A extensión do texto non poderá exceder das 200 palabras, en formato DIN A-4, a dobre espazo, cun tipo de letra Times New Roman de 12 puntos.

4. A data de entrega rematará o 24 de marzo de 2024. Non obstante, o certamen considerarase pechado con anterioridade a esa data no caso de que se acaden os mil relatos. En consecuencia, a selección de traballos farase por orde de recepción dos mesmos. Para caso dos enviados por correo postal contarase como data de entrega a de presentación na oficina de envío.

5. A presentación dos traballos poderase facer a través dos seguintes medios:

I. Correo electrónico dirixido [concursorelatos@paradadesil.es](mailto:concursorelatos@paradadesil.es) poñendo en asunto o título completo da obra. No devandito correo achegarase dous arquivos en formato Word:

- O primeiro conterá a obra e como nome levará o mesmo que o título do traballo.
- O segundo titularase PLICA (nome do traballo). Conterá os datos do participante: nome e apelidos, ano de nacemento, dirección postal, email e teléfono, título completo do microrrelato, así como declaración xurada conforme o traballo remitido a concurso é orixinal e inédito.

Todas as plicas gardaranse nun cartafol protexido e as obras serán lidas polo xurado de forma anónima.

Esta conta de correo é única e exclusiva para o envío dos microrrelatos e non se abrirá ata o día de finalización do prazo de entrega de microrrelatos ao concurso ou ata acadado o número de traballos establecido como límite.

Para calquera dúbida enviar correo a [info@paradadesil.es](mailto:info@paradadesil.es)

II: Correo postal. Os traballos remitiranse por triplicado á seguinte dirección: "Concurso Microrrelatos, Concello de Parada de Sil". Praza Campo da Feira nº 1. 32740 Parada de Sil. Ourense. Os textos enviaranse tan só co título e no interior, nun segundo sobre (plica) pechado, incluírase unha ficha co título do relato, autor, data de nacemento, dirección postal, email e teléfono así como unha declaración





## Concello de Parada de Sil

---

xurada conforme o traballo remitido a concurso é orixinal e inédito.

6. O Concello, como organizador, designará ao xurado competente que estará presidido polo catedrático, escritor e hispanista D. Antonio Carreño.

7. O fallo do xurado farase público o 04 de maio de 2024 e será inapelable.

8. Dotación e fallo do premio:

1º Premio 1.000 € para o mellor relato presentado en castelán

1º Premio 1.000 € para o mellor relato presentado en galego

2º Premio 500 €

3º Premio 300 €

No segundo e terceiro premio non se terá en conta o idioma no que se presenten.

O premio abonarase, previa retención fiscal correspondente, mediante transferencia bancaria nunha conta de titularidade do/a beneficiario/a e no seu país de orixe.

A efectos fiscais, e no caso de estranxeiros, para poder facer efectivo o ingreso, requírese que o/a beneficiario/a dispoña de número de identificación de estranxeiro (NIE) o cal poderá solicitar na embaixada ou consulado de España do seu país de residencia.

Sen o cumprimento deste requisito non se procederá ao seu pagamento.

9. A entrega do premio realizarase no acto de celebración do Día das Letras Galegas, que se celebrará no Concello de Parada de Sil o día 11 de maio de 2024.

10. A inscrición neste certame supón a total aceptación das bases.

11. Todas as persoas participantes autorizan ao Concello de Parada de Sil á utilización do relato citando ao autor ou autora do mesmo.

Parada de Sil, na data de sinatura ao marxe

O Alcalde-Presidente

Aquilino Domínguez Díaz

DOCUMENTO ASINADO DIXITALMENTE

